



# 密教簡介一

## 自譽毀他—謗法師、謗佛之因緣果報(2)

### ——障礙陀羅尼門之解救方法

(本篇文章為<sup>上善</sup><sub>下</sub>祥師父所撰，未經同意，請勿引用轉載，以免犯戒。)

## 二、觀看佛經了解謗佛之義(續)

### 2.《佛說決定總持經》—西晉月氏三藏竺法護譯

#### (1)十菩薩出家修持總持門七年不得其要

經云：爾時世尊與無央數百千之眾眷屬圍遶而為說經，其法名曰決總持門。彼時會中有族姓子等輩十人，咸共聽受聞如來宣決總持門。欣然踊躍善心生焉，棄捐睡眠樂處閑居，修正足德專志經行，夙夜精進無敢懈怠，離於放逸貪欲之想。如是慤懃不廢精誦至于七年，終竟七載其心馳騁，不得須臾定息一時，何況乃當逮總持門。不得所願其意思厭，節德閑居樂於睡眠，廢於精進不復經行，捨欲之事不復修學總持之門。釋沙門服捨戒就賤，迷惑志性求聖教短，皆歸居家還習五業。

於時世尊，為王阿闍賈(亦稱阿闍世 Ajātaśatru，為佛世時中印度摩揭陀國頻婆娑羅王 Bimbisāra 之子)，決虛妄疑已除猶豫，七日寂然則演聖威，因令其王不為放逸心懷諍訟，解散王結一切調戲諸所見縛。竟七日已，與七億人往詣佛所，欲啟受法。十族姓子求聖短者，亦侍從王在於大眾，是時座中。有一菩薩名無法行，致得總持(即總持之法門，為梵語 dhāranī (陀羅尼) 之意譯，即能總攝憶持無量佛法而不忘失之念慧力。有法、義、咒、忍等四種總持。然現今密教

所稱總持者，乃特指第三之咒總持而已)，從無數劫成就法忍，逮無從生無有顛倒，辯才無量入一切智，正慧道力分別隨順，度無極行，曉無思議總持門品，普見一切眾生志性根元所趣應可化者，而為說法不失其本。

即從座起偏露右肩，右膝著地叉手白佛：惟天中天！此族姓子等類十人出家修道，夙夜精進七歲不懈，欲求總持所願不獲，失其本志捨沙門服，還家居業察聖教短。惟願世尊，演說法義，以權方便如應開化，令族姓子改往修來，當自歸命無上大道。

佛告無法行菩薩(又翻不畏行菩薩)：斯族姓子乃往過去久遠世時，謗毀佛法不肯聽受，以用謗毀越佛法故，由是所致，不得疾獲無上大道。無法行菩薩，則以頌問佛曰：

我聞人中尊，法王演光明。諸菩薩所行，得消除央罪。  
功勳慧遠布，無能越度者。十力無等倫，聖智無罣礙。  
已脫於三處，則不為放逸。惟為說其行，使淨斯道業。  
今啟於無量，執懷甘露慧。當為分別說，猶豫意結網。  
今質於如來，世尊惟為決。何謂諸菩薩，修行於大乘。  
日日常精進，最勝行無懈。降伏魔官屬，燒盡眾塵穢。  
曉了一切行，顯示於眾生。惟為分別說，道行之本業。  
言辭甚微妙，和顏為人說。在於生死處，樂度終始患。  
諦聽所歎訓，解決眾狐疑。最稱願為演，如應修道行。  
善修德清淨，本行滅生死。愍哀施安隱，以濟眾生意。  
捐棄用捨處，惠寶及車乘。頭目施與人，妻子亦如是。  
欽敬行忍辱，好於禁戒德。精進修寂願，曉了堅固志。  
眾會以此德，能忍百千患。仁尊所遊步，勝通便無礙。

明識所當行，如節無猶豫。滅除三垢穢，所致無能極。

分別出家業，開化於五趣。安住惟爲說，如應當行道。

## (2)佛說因違犯諸佛誹謗經典

佛告無法行菩薩：此族姓子等類十人，過去世時，違犯諸佛誹謗經典。何謂違犯諸佛之法？乃往過去久遠世時，更歷三十二劫焰棄世界，有佛名曰光世音如來，至真、等正覺、明行成爲、善逝、世間解、無上士、道法御、天人師爲、佛世尊，是族姓子等類十人，在於彼世，爲大豪貴長者作子。佛滅度後處於末學，爲其世尊興立功德，五百塔寺講堂精舍，以若干種供養之具，而用給足諸比丘僧，一一塔寺所有精舍，百千比丘遊居其中。

於彼世時有一菩薩，名曰辯積(辯積 *Pratibhāna-kūta*，音譯鉢羅底婆那俱吒，又作智積菩薩)，逮得總持執權方便，進退隨宜開化一切，而爲說法適處高座，五百諸佛教授辯才，八十億天子在於虛空，淨除眾穢莊嚴校飾，化作講堂豎諸幢幡供養法師，愍逮一切而爲說經。七萬人眾逮不退轉，當成無上正真之道，又一萬人得須陀洹果。

時彼世界有國王，名曰月施，愛樂道法，渴仰經義，以法自娛。于時國王供養法師辯積菩薩，與其中宮貴人婬女五百之眾，大作伎樂以寶爲華而散其上，和栴檀香用塗其體，以五百蓋而覆其上，五百細妙衣服供養。晝夜七日住不敢坐，奉以所安隨其所宜。不失時節其敬法師最爲無上，巍巍之尊福無過者。

## (3)於有德實證菩薩法師不宜誹謗

時大豪貴長者之子，誹謗橫枉辯積菩薩法師。言毀法戒不隨禁業，以是罪故墮於地獄滿九萬歲，生於人間。五萬世中墮在邊地夷狄之中，迷惑邪見罪蓋覆蔽。六百世中常當生盲，喑啞無舌不能言語。出家爲道作沙門來，七百世慇懃精修，不惜身命不得總持。今復來生於我之世，意數數亂不能專定。以是之故，宿命餘

殃罪蓋所蔽。而今此輩諸族姓子不得總持，是故賢者囑累汝等，鄭重告勅，聞是經典面見法師，爲人班宣咸共供養，不當愁憂心懷毒害，況復遙聞生惡心耶？

佛言：族姓子，假使有人皆取眾生挑其兩眼，斯罪雖重尙可堪任劫數盡竟，若有害意向於法師，罪之劫數復過於彼。假使有人皆取眾生好鬪爭者，和諧別離廣令安隱，若見法師一心住前，是諸功德過於和合，眾生鬪爭令得安隱，百倍、千倍、萬倍、億倍、巨億萬倍，不及悅顏住菩薩前。所以者何？其有誹謗法師者，則謗如來。欲得供養於如來者，當奉法師。欲敬如來，當順法師。欲禮如來，當禮法師。所以者何？諸菩薩等皆從法生，從諸菩薩成一切智，因一切智成佛世尊。菩薩所起因興道心不以住欲，在於塵勞得稽首禮。由無所生則無所住，淨修梵行見稽首禮，不以無色三昧正受禮於無色也。不以餘殃而就所生，所願自在。因其所願而往生矣。已得解脫一切愚冥凡夫之行，欲令菩薩有餘殃者，猶使虛空有其色像。譬如族姓子，阿耨達龍王(阿耨達龍王 **Anavatapta**，爲八大龍王之一，住於阿耨達池，遠離三患，於諸馬形龍王中其德最勝)欲見諸龍遊戲之時，教告一切諸龍眷屬，皆依龍王而得安隱，常脫三痛(一者熱沙不墮其頭，二者不以蛇身行欲，三者無有伽樓羅畏一被金翅鳥所食)能爲無患。

菩薩如是，捨一切樂，斷三處罪(身口意三)，滅蓋塵勞壞眾苦惱。爾乃爲安度脫眾生，譬如蛟龍遊於水中而無所畏。菩薩如是，遊於三界亦無所懼。譬如蛟龍行於深水，見中所有恣意所欲，而不爲水之所惱害。菩薩如是，遊於盲冥凡夫之眾，住其所行，惟覩慧議不違道行，不與愚人而俱同塵，不爲三處所見沒溺。是故行者，常當將護奉法安詳，此爲菩薩之所修業。佛時頌曰：

其欲歸命佛，敬承無量聖。常供養菩薩，欽奉於導師。

吾今所衣鉢，床榻諸坐具。佛皆以此供，聽施志道者。

所上佛燈火，以是燈給之。如是成正覺，諸聖中最上。

飲食車乘施，斯等諸慧士。爲愚之導者，將至甘露方。

一切眾生類，施天人間安。以順初發意，不能報其恩。

#### (4) 化解不得總持門之方法

無法行菩薩，復白佛言：惟天中天！寧有方便，使此十人族姓子等，消除罪殃得至道乎？佛言：設此十人一心受學佛所頒宣，修是法律復爲沙門，勤諷誦斯總持章句，可成道耳！何謂總持章句(註：下咒語已翻漢義，咒音漢譯版於《謗佛經》中錄)：

修清澄，鮮潔句；清且涼，無所授；亦無造，無所得。

遵速疾，取新生；奉精進，禮行步；勤修行，智曉了。

主觀察，無所起；去患難，遊慕便；舉輕便，普清淨，無不淨。

佛告無法行菩薩：此等十人以諷誦是總持章句，而於七日修恩德，無所下使無色，不懷瞋恚安詳，不久遊無所作，無瑕穢，心平等，捨所有。離五陰，釋不淨，意念佛。諸族姓子！設能如是奉遵道教，十方世界各有千佛，示現其前令自見之，剋心自責歸命聖尊，罪殃可除逮成道慧。

#### (5) 十位菩薩依教奉行得利

諸族姓子，時聞佛教等順法律，即捨家業出爲沙門，諷誦此總持章句。如聖所誨，晝夜七日精進奉行，竟七日已輒見十方，各有千佛分別爲說消罪之業。應時皆得修普智行總持之門，超三十六劫生死之難，逮不退轉，當成無上正真之道。

佛告無法行菩薩：爾時月施國王者，今現阿彌陀是。其辯積者，阿闍如來是。十長者子，今此十人族姓子是也。故無法行！其有志學菩薩乘者，慇懃奉修如佛所教，住于正法捨其無明，慎無伺求他人之短也。……。

佛告無法行菩薩：若有勤求此總持者，當習閑居數詣法會，等行清淨著淨衣服。復遵修四事威儀禮節之正，志不懈廢。以若干種諸所供具，奉養法師篤信三寶，常懷恭敬謙遜卑順，未曾懈厭常行精進，無有諛諂邪行之業，心之所念常不離佛，意所遵修解無所有，已無所有無所想念，皆能曉了眾生性行，勤自謹勅心口相應，愛樂諸佛請問諮受，誨過守節勸助德本，威儀禮節不違道教。無應不應，聞非人聲不以恐怖，不畏蛇虻毒螫之蟲，奉敬師長修此經典未曾懈倦。

佛說是經時，三萬人從本已來未興道心，今皆發起無上正真道意，五千人遠塵離垢諸法眼淨。三萬菩薩，逮得無所從生法忍。

佛言：若有菩薩，聞說是經法，皆得具足一切功勳無量辯才。若族姓子、族姓女，學菩薩道，皆以七寶滿于三千大千世界，恒邊沙劫奉進三寶。有人聞此經典，福尊過彼。若菩薩於百千劫奉五度無極，而無大智無善權者，不如聞此經典之要，福尊過彼。是故族姓子！囑累汝等此經相付慇懃勸助，隨時將護令不忘失，莫使增減，長存在世，持諷誦讀，廣分別義，為他人說。假使遭厄殞歿身命故，當將慎於此經典，勿使忘失是佛之教。

佛說如是。無法行菩薩，十族姓子，諸大聲聞，一切眾會，天龍、鬼神、阿須倫、世間人，聞經歡喜作禮而去。(佛說決定總持經節錄竟)

### 3. 《謗佛經》—元魏天竺三藏菩提流支譯

#### (1) 十菩薩勤修不得陀羅尼門

經云：如是我聞。一時婆伽婆，住王舍城耆闍崛山中，與大比丘眾千二百五十人俱，菩薩八十千。爾時會中有菩薩摩訶薩，名離憂悲，在大會坐，師子遊戲菩薩摩訶薩，智光明菩薩摩訶薩，梵雷音響雲聲菩薩摩訶薩，善作功德寶華光明菩薩摩訶薩，師子遊步雲雷音聲菩薩摩訶薩，光明威德名聞菩薩摩訶薩，無邊智法爾禪修中心

聚思惟莊嚴菩薩摩訶薩，無邊寶華名稱菩薩摩訶薩，智慧光明辯才說意菩薩摩訶薩，此十菩薩摩訶薩集在會坐，已於七年為陀羅尼精勤修習而不能得，滿七年已則生憂愁，心尚不定況陀羅尼，所求不得心生疲倦，既於七年離癡覆蓋，恒常經行求陀羅尼而不能得，捨戒還家遠離佛法作鄙劣行，於佛法中心生疑惑，有如是過。阿闍世王在大會坐。

爾時世尊於先已為阿闍世王斷除疑悔(因殺父而憂慮)，阿闍世王既除疑悔，一切憂惱皆得解脫，於七日中捨財大施，如是大施滿七日已，為聽法故七億眾生俱到佛所，彼十菩薩諸善男子，於佛法中已得罪過，亦在會坐。

爾時會中有菩薩摩訶薩，名不畏行(又無法行)，得陀羅尼，阿僧祇劫法忍成就，得無生忍種種辯才，能知一切智智之門，能說法門，能知眾生深心信解而為說法。

爾時不畏行菩薩摩訶薩，從坐而起整服一廂，右膝著地合掌向佛，白言：大德！此眾會中十善男子，已於七年為陀羅尼精勤修行所願不成，捨離佛法而作俗人。善哉世尊！如方便說，此善男子令速解知。

爾時世尊告不畏行菩薩言：善男子！當知如是十善男子，未曾得聞謗佛法門，此善男子曾謗佛來，是故不能速疾得通。爾時不畏行菩薩摩訶薩，即以偈頌問如來曰：

我今問仁曰，光明之法王；若行菩薩行，惡業云何淨。  
無量勝智名，十力無障智；解脫無戲論，說菩薩淨行。  
我問無量智，我問斷惡意；我問無比尊，云何菩薩行。  
已脫一切縛，離煩惱破魔；知眾生心意，願說菩薩行。  
如華開笑面，有有行欲斷；說法斷有意，願說菩薩行。  
能與無量樂，善功德善行；於一切世間，作利益安樂。

已於無量世，爲捨所愛物；象馬寶百頭，無量妻子捨。  
以忍自調伏，樂戒功德行；決定勤精進，意常不憂惱。  
百種苦已盡，所求事究竟；願如應說法，除斷眾生苦。  
願說離三垢，云何離不善；願說菩薩行，調御益眾生。

## (2) 謗法師即是謗佛

爾時世尊告不畏行菩薩摩訶薩言：善男子！此十菩薩本曾謗佛。不畏行菩薩言：世尊！云何謗佛？佛言：不畏行！此十菩薩乃往過去第三十劫，有佛號曰觀世自在如來，應、正遍知，出焰世界。不畏行！今此會中十善男子，於彼觀世自在如來入涅槃後，皆作大姓大富長者，造五百寺，於一一寺置千比丘。

時有法師，名曰辯積，得陀羅尼，坐法座上爲眾說法，五千諸佛皆與辯才，八萬億天守護供養，辯積法師一說法時，七萬眾生悉皆不退阿耨多羅三藐三菩提，一萬眾生得須陀洹果。善男子！彼時有王，名曰月得，自共五百婬女相隨，俱往供養辯積法師，敬重法故歌聲作樂，種種寶花散彼比丘，栴檀等香用塗其身，以五百領好衣覆之，於七日中一切樂具盡心供養，如法師法而供養之。

當於爾時彼長者子，說彼比丘毀破淨戒，彼惡業報九十千年墮大地獄，於五百世雖生人中受黃門身(黃門 **pandaka**。音譯半擇迦、般吒、般荼迦、半擇、半捺迦。意譯爲闖人、不男。即指男根損壞之人)，生夷人中生邪見家，於六百世生盲無舌，七百世中，雖復出家求陀羅尼而不能得。何以故？以彼前世惡業障故。

善男子！汝應善知如是法門，我今已說。既得聞已，若見法師實破戒者，不得生瞋尚不應說，何況耳聞而得說耶！善男子！若有挑拔一切眾生眼目罪聚，若以瞋心看法師者，所有惡業過彼罪聚。若斷一切諸眾生命所有罪聚，若有於法師生於惡心，逕迴面頃所得罪聚，彼前罪聚於此罪聚，一百分中不等其一，於千分



中亦不一，於百千分阿僧祇分，若歌羅分，若數分中不等其一，於譬喻分乃至憂波尼沙陀分，不等其一。何以故？若謗法師即是謗佛。

### (3)欲供佛者禮佛者當禮法師

善男子！若有希望供養佛者，彼人則應供養法師，若有希望供給佛者，彼人則應供給法師，若有希望禮拜佛者，彼人則應禮拜法師。何以故？以從菩薩生一切智，以從菩薩生諸佛故。善男子！菩薩何曰發菩提心，既發心已不住欲樂煩惱不染，不住一切非梵行事，應如是知，如是菩薩入無色定不生無色。何以故？菩薩不隨三昧力生，以願力生。如是菩薩解脫一切毛道凡夫愚癡人行，若有能見虛空色者，彼人能見菩薩煩惱。

### (4)不要以凡夫言看菩薩行

善男子！譬如阿那婆達多龍王龍眾數攝與一切龍體相無異龍三種過悉皆遠離。何等爲三，一者熱沙不墮其頭，二者不以蛇身行欲，三者無有伽樓羅畏(被金翅鳥所食)。如是善男子，此三龍過所不能于，菩薩摩訶薩亦復如是，一切戲樂皆悉具有，於三有中欲、煩惱、苦，不能覆蔽，應如是知。

又善男子，譬如取魚眾生之類於水中行，水中見物入水不死。善男子！菩薩摩訶薩亦復如是，行於生死住凡夫行，常求智行修集正法，心不迷亂。凡夫之事所不能污，三有之苦所不能于。是故菩薩摩訶薩，常應自護，勿謗法師。爾時世尊，而說偈言：

若欲供養佛，若欲禮如來；但供養佛子，第一供養佛。

我說以衣鉢，坐臥經行處；如是等應施，發菩提心者。

如是供養佛，如是供養法；佛爲世間上，皆從法中生。

是人孤獨智，與暗眼者明；示迷者正道，將向不死處。

若一切財寶，常施一切佛；雖如是奉施，不能報佛恩。

若從今已去，常供養法師；不謗不說者，則報諸佛恩。

### (5)佛示陀羅尼句七日夜誦得利

爾時，不畏行菩薩摩訶薩白佛言：世尊！有方便門令此菩薩淨惡業不？佛言：有！不畏行！有陀羅尼，此善男子，若能出家專心誦此陀羅尼句，惡業則淨。

多軼他(台邏反是長音不言長者盡是短音句)阿制(句)阿車婆坻(句)阿那(長音)毘麗(句)阿施黎殺(詩債反句)阿訖吏帝(句)阿那由系(句)阿系(句)阿毘何(長音)離(句)阿婆(重音不言重者悉是輕音)婆(句)頭樓唐鵝磨(句)由多若多(長音)納波囉頗閉(句)尼伽地(持債反句)憂伽囉系(句)侯侯迷(無脂反句)遮波麗(句)娑遲摩細(句)三摩提(句)余(長音)知(句)那耶波離舒(長音)池(重音)帝(句)

善男子！此十善男子，若能誦此陀羅尼句，於七日中一切放捨，不食雜食，心不散亂，不著諸色，心不分別，捨憍慢意，常誦不止，更無所作，不與人雜，行平等心，常行利益，心常修習五陰無常而不捨離，常修念佛。若如是行，於十方中現見千佛。

爾時，彼會十善男子，聞佛說已，即爾出家，專心誦此陀羅尼句，七日精進隨順攝取，亦常修習念佛三昧見一千佛，彼惡業障懺悔盡滅。爾時即得一切智門集陀羅尼，滅三十劫生死之業，不退阿耨多羅三藐三菩提。

不畏行！當知爾時供養法師月得王者，今無量壽如來應供正遍知是，阿闍如來應正遍知則是爾時辯積法師。爾時謗說辯積法師十長者兒大姓童子，即是此會十善男子，彼十長者大姓童子，爾時謗說辯積法師毀犯淨戒。

如是，善男子！隨諸菩薩於何等寺，若善惡住，乃至失命身死因緣不見其過。何以故？善男子！菩薩具有四種淨法，何者四種，一者修空，二者常於一切眾生不破壞心，三者於諸菩薩常與利益，四者說法不求資生。善男子！此是四法菩薩摩訶薩清淨菩提法。爾時世尊，為明此義，以偈說曰：

若能信解空，佛說第一法；如是清淨行，行常不放逸。  
不破壞眾生，不說破壞語；彼人得成佛，光明照世間。  
此第二淨道，聞已作利益；於眾生行忍，莫作破壞行。  
有法善無垢，施發心菩薩；若不求恩報，第三菩提道。  
決定生悲心，說法不求利；如深心憐愍，第四道智淨。

#### (6)修持陀羅尼菩薩之行持

復次，善男子！修陀羅尼菩薩摩訶薩，阿蘭若行，親近聞法，著鮮淨衣，獨住閑居，四威儀中常思惟行，以種種物布施法師，生正信心不隨他語，不生疲倦，常精進行心不諂諂，不離念佛心無所得，善修無相如說而行，以信解心請佛懺悔，隨喜迴向恒常正行，不越威儀不畏教誡，依止尊住一切名行，於此法中不疲倦修。

說此法時，三萬眾生本未曾發菩提之心，聞此法已發菩提心，五千眾生遠塵離垢，於諸法中得法眼淨，三萬菩薩一切皆得無生法忍。

善男子！若諸菩薩摩訶薩等，聞此法門得福甚多，若以七寶滿於三千大千世界，於日日中布施三寶，如是乃至恒河沙劫。若復得聞如是法門，其福為勝，若復能行五波羅蜜經一千劫，惟除般若波羅蜜門，若人得聞如是法門，其福為勝。善男子！若復有人於一千佛，晨起日中日暮供養，尊重讚歎如意供給，若有得聞如是法門，其福為勝。

如是善男子，應當護念如是法門，我今付汝為令擁護受持讀誦，解說其義為令書寫，乃至失命身死因緣，應當護念隨順修行。如來說已，不畏行菩薩摩訶薩及餘菩薩，彼諸比丘一切眾會，并諸天人及阿修羅乾闥婆等聞佛所說，皆大歡喜。

(謗佛經竟)

### 三、結語

《謗佛經》云：謗法師即謗佛，此業報除下地獄、出生不利之身等果報外，智慧閉塞，不能得總持門，心慌意亂；亦不能得陀羅尼，因於陀羅尼不能憶持不忘，有如是不利之業報，吾等當對於有德法師，或說正法讓大眾悟解脫道者，不能加以亂毀謗。

經又云，若見法師實破戒者，亦不得生瞋，尙不應說出，若僅是耳聞者更不應亂說！無知人只要以瞋心看具德法師，其罪業無邊，如有人挑拔一切眾生眼目罪聚已是很重，若有人以瞋心看法師所行者，所有惡業過彼罪聚。或若斷一切諸眾生命所有罪聚者其罪以很大，但若有人於法師生於惡心者，其罪更是大於斷無量人命之罪，一百分中不等其一，於千分中亦不等一，於百千分阿僧祇分。何以故？若謗法師即是謗佛。雖各個出家法師所行各有不同，還是不要胡亂批評爲要，不然得落於如是果報。